



Broj: 01-_____/16
Datum: 25.07.2016.g.

Na osnovu člana 5. Pravilnika o utvrđivanju uslova, kriterija i postupaka za ostvarivanje prava na dodjelu plastenika u projektu „Ekonomsko osnaživanje nezaposlenih osoba kroz proizvodnju povrća u plasticima“ – Travnik 2016 i na osnovu Sporazuma zaključenog između Općine Travnik i humanitarnih organizacija „MAID“ i „LDSC“, broj 250/16., od 25.07.2016. god kojim su osigurana donatorska sredstva (od strane Humanitarnih organizacija „MAID“ i „LDSC“ 40 %, Općine Travnik 40 % i vlastitog učešća korisnika 20 %) u cilju razvoja plastične proizvodnje na području općine Travnik, Općinski načelnik raspisuje:

**JAVNI POZIV
za predaju zahtjeva za dodjelu plastenika od 100 m² sa dodatnom opremom putem
sufinansiranja**

I PRAVO UČEŠĆA

Pravo na učešće u Projektu imaju nezaposlene osobe sa područja općine Travnik koje ne posjeduju plastenik a imaju vlastito poljoprivredno zemljište u neposrednoj blizini stambenog objekta u kojem stanuju.

Pravo na dodjelu plastenika ne mogu ostvariti lica koja su u posljednjih 7 godina ostvarila pravo na donaciju, dodjelu, ili sufinansiranje nabavke plastenika od općine, ministarstava, humanitarnih i drugih organizacija.

II USLOVI ZA DODJELU PLASTENIKA

Podnosioc zahtjeva treba da ispunjava slijedeće uslove:

1. Da je nezaposlena osoba,
2. Da je upisan u Registar poljoprivrednih gazdinstava i klijenata u Općini Travnik i izvršio ažuriranje podataka za 2015.godinu ili dostavi ovjerenu izjavu da će se upisati u Registar poljoprivrednih gazdinstava i klijenata prije dodjele plastenika,
3. Da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plastičnu proizvodnju i koje se nalazi u neposrednoj blizini stambenog objekta u kojem stanuje,
4. Da ima mogućnost navodnjavanja plastenika,
5. Da sufinansira 20% od nabavne cijene plastenika sa pratećom opremom (490 KM)
6. Da obavezno prisustvuje edukaciji iz oblasti plastične proizvodnje u trajanju od dva dana.

Služba za razvoj, privredu i vanprivredu Općine Travnik je nosilac aktivnosti vezanih za realizaciju Projekta.

III KRITERIJI ZA DODJELU PLASTENIKA

Kriteriji za bodovanje podnosioca zahtjeva:

- a) pogodnost vlastitog zemljišta za plastičnu proizvodnju i mogućnost navodnjavanja (utvrđuje Komisija za dodjelu plastenika na licu mjesta),
- b) dodatni bodovi po osnovu pripadnosti jednoj od dole navedenih kategorija:

- podnosilac zahtjeva nezaposlen (vrijeme provedeno na birou za zapošljavanje),
 - za svakog punoljetnog nezaposlenog člana porodice,
 - za svakog izdržavanog člana porodice,
- borački status podnosioca zahtjeva (demobilisani borac- vrijeme provedeno u OSBiH),
- podnosilac zahtjeva član porodice šehida i poginulih boraca,
- podnosilac zahtjeva ima priznat status RVI,
- podnosilac zahtjeva samohrani roditelj,
- mladi bračni par životne starosti do 35 godina,

Kada kandidati pri bodovanju imaju isti broj bodova, prednost će imati kandidati koji imaju višečlanu porodicu i veći broj nezaposlenih u porodici.

IV POTREBNA DOKUMENTACIJA

Potrebna dokumentacija za dodjelu plastenika:

1. zahtjev za dodjelu plastenika od 100 m² sa dodatnom opremom putem sufinansiranja
2. kopija potvrde o upisu u Registar poljoprivrednih gazdinstava od općinske službe prema mjestu prebivališta (fizička lica) ili ovjerena izjava da će se upisati u Registar poljoprivrednih gazdinstava i klijenata prije dodjele plastenika,
3. ovjerena kućna lista,
4. dokaz o nezaposlenosti svih punoljetnih članova porodice izdat od Biroa za zapošljavanje,
5. vlasništvo ili posjed nad parcelom (kopija ZK izvadka ili Posjedovnog lista),
6. ovjerena izjava da ne posjeduje plastenik u svom vlasništvu,
7. ovjerena izjava da će korisnik podsticaja dobijeni plastenik zadržati u vlasništvu najmanje 2 godine od potpisivanja Ugovora,
8. ovjerena izjava da podnosilac zahtjeva u posljednjih 7 godina nije ostvarivao pravo na donaciju, dodjelu, ili sufinansiranje nabavke plastenika od općine, ministarstava, humanitarnih i drugih organizacija,
9. ovjerena izjava da će sufinansirati 20% od nabavne cijene plastenika sa pratećom opremom (490 KM),
10. dokaz da je podnosilac zahtjeva demobilisani borac (Uvjerenje od grupe za pitanja vojnih evidencija Travnik),
11. dokaz da je član porodice šehida i poginulih boraca, RVI (Uvjerenje Službe za opću upravu i BIZ Općine Travnik),
12. dokaz da je mladi bračni par životne starosti do 35 godina (ovjerena kućna lista),
13. Potvrdu o primanjima zaposlenih članova domaćinstva,
14. dokaz da je samohrani roditelj (ovjerena kućna lista),
15. ovjerena izjava da će obavezno prisustvovati edukaciji iz oblasti plasteničke proizvodnje u trajanju od dva dana.

Za one koji ne posjeduju plastenike potrebne izjave za uslove pod rednim brojevima 7.,8.,9.,10.,15., se podnose na zajedničkom obrascu „IZJAVA“, koja se može preuzeti u šalter Sali Općine Travnik.

V PROCEDURA ODABIRA KORISNIKA

Općinski načelnik imenuje Komisiju za dodjelu plastenika.

Zadatak Komisije za dodjelu plastenika:

- pregled prispjelih prijava, evidentiranje kandidata koji ispunjavaju uslove iz Javnog poziva, obavlja uviđaj na licu mjesta, sačinjavanje liste krajnjih korisnika na osnovu utvrđenih kriterija za bodovanje te istu dostavlja Općinskom načelniku.

Odluku o dodjeli plastenika donosi Općinski načelnik na prijedlog Komisije za dodjelu plastenika.

NAPOMENA:

- Kandidati koji ostvare pravo na dodjelu plastenika obavezni su prisustvovati edukaciji u trajanju od dva dana.

Obrasci zahtjeva se mogu preuzeti na info-pultu Općine Travnik (šalter sala) i zajedno sa dokumentacijom predati u zatvorenoj koverti na protokol Općine Travnik sa naznakom „Za javni poziv za dodjelu plastenika“.

Sve dodatne informacije mogu se dobiti u Službi za razvoj, privredu i vanprivredu Općine Travnik, kancelarija broj 35 ili na broj telefona 030/511-277 lokal 253 svakim radnim danom od 07:00-15:30 sati.

Javni poziv ostaje otvoren do 12.08.2016. godine do 15:30 sati.

Nepotpune i neblagovremene prijave se neće uzeti u razmatranje.

N A Č E L N I K

Admir Hadžiemrić, dipl.ecc